

Ilanngussaq I



**Aningaasaqarnermut Naligiissitaanermullu
Naalakkersuisoq
-/ Maani**

Ulloq: 18. november 2022

J.nr.: 01.31.11-00022

Naalakkersuisut 2023-mi aningaasanut inatsisissatut siunnersuutaat

1. Aallarniut

Naalakkersuisut 2023-mi aningaasanut inatsisissatut siunnersuummut allannguutissatut siunnersuutaannut Aningaasaqarnermut Akileraartarnermullu Ataatsimiititaliap apeqqtai matumuuna nassiuqqarpup. Apeqqutit nukinginnartuupput, taamaattumillu akissutit piaartumik immikkoortup pingajussaaneerqarnissaa sioqqullugu tiguneqarnissaat naatsorsuutigineqarpoq.

Allamik allaqqasoqanngippat apeqqutit Naalakkersuisut allannguutissatut siunnersuutaasa sammisakkaarlugit tulleriiaarneqarnerat malillugu apeqqutigineqarput.

2. Sammisag 3

2.1. Sammisag 3 – Aningaasartuutaanerussutissat

Allannguutissatut siunnersuutitut nr. 53-mut aamma 54-imut inassuteqarnissami kinguartinerneranur konto pingaarnernut marlunnut, allannguutissatut siunnersuutitit pineqartunut, missingersuutitit ilanngussat erseqqinnerusumik itisiliiffiqineqarnissaannik kissaatigineqarnitit ataatsimiititaliap tunngavilersuutigaa.

Apeqqut 1:

Allannguutissatut siunnersuummut nr. 53-imut konto pingaarnernut 20.11.56-imut, missingersuutitit iluarsiiernerut tunngasumut, atatillugu aningaasaliissuteqaqqinneq Naalakkersuisunit qanoq piviusorsioortutut isigineqarnersoq paasissutissiissutigineqassasoq ataatsimiititaliamit kissaatigineqarpoq.

Apeqqut 2:

Allannguutissatut siunnersuummut nr. 54-imut konto pingaarnernut 20.11.70-imut, suliniutitit nutaanut sillimmatitit tunngasumut, atatillugu tulleriinnilersuinerup, tassalu aningasaliissuteqariarluni kingusinnerusukkut meeqqanut tapiissutit pillugit inatsisissatut siunnersuummik suliaqarnissap erseqqinnerusumik nassuiaatigineqarnissaa ataatsimiititaliamit kissaatigineqarpoq.

Pisortanit ikiorsiissutit suliffissarsiortunullu ikiorsiissutit pillugit inatsisit nutaat atuutilersin-neqarnerannut atatillugu meeqqanut tapiissuteqarnissamat tunngaviup ikiorsiissutinut inatsi-sinit atuuttunit peerneqarnera apeqqummut matumunnga tunngaviuvoq.

3. Sammisqaq 7

3.1. Sammisqaq 7 – allannguutissatut siunnersuut nr. 9: Konto pingaarneq 20.11.56, missin-gersuutinik iluarsineq, allaffissorneq

Apeqquq 3:

Aningaasaliissutit aningaasartaat ukiunilu missingersuusiortunni piffissanut inissinnerat suna tunngavigalugu pisimansoq paasissutissiissutigineqassasoq ataatsimiititaliamit kissaatigine-qarpoq.

Qinigaaffinnik pingasunik ukiut 14-it tikillugit sivissuseqartumik piffissaliinissaq sooq pisariaqarpa? Assigiinngitsutigut sukkasuumik ineriartortoqarnera, tassunga ilanngullugu teknikikkut sukkasuumik ineriartortoqarnera eqqarsaatigalugu qinigaaffimmik ataatsimik marlunnilluunniit sivissuseqartumik piffissaliinissamat periarfissaqarpa?

3.2. Sammisqaq 7 – allannguutissatut siunnersuut nr. 21: Konto pingaarneq 67.01.15 Carbon Capture Storage

Apeqquq 4:

Inuussutissarsiuteqarfimmi nutaami tassani siunissamat pilersaarutit, kissaatit ingerlatassa-tullu periarfissat tigussaasumik itisilerneqarnissaat ataatsimiititaliamit kissaatigineqarpoq.

4. Sammisqaq 11

4.1. Sammisqaq 11 – Kommuninut ataatsimoortumik tapiissutit: allannguutissatut siunnersuut nr. 44: konto pingaarneq 20.05.20 Kommuninut ataatsimoortumik tapiissutit

Apeqquq 5:

Immikkoortoq 7-imut, suliffissarsiortunermi ikiorsiissutit pisortanillu ikiorsiissutit pillugit inatsisinut nutaanut tunngatillugu, aningaasat ukiuanni 2023-mi atuinissaq qanoq ingerlasussatut naatsorsuutigineqarnerasoq paasissutissiissutigineqassasoq ataatsimiititaliamit kissaatigineqarpoq. Aningaasanut inatsisip ukiuani aningaasaliissutit 11 mio. kr.-init 8,5 mio. kr.-inut ikilineqarsimasut ataatsimiititaliamit maluginiarneqarpoq.

Atuutilersitsinissaq Inatsisartut 1. juli 2023-mut kinguartippaat. 8,5 mio. kr.-inik immikkoor-titsinerup allanngortinneqannginneranut tunuliaqutaasup paasissutissiissutigineqarnissaa ataatsimiititaliamit kissaatigineqarpoq. Ukiumut ilivitsumut aningaasaliissutit 11,5 mio. kr.-iummata, sooq ukiup affaanut aningaasaliissutit 11,5 mio. kr.-it affaat pinnagit 8,5 mio. kr.-iussappat?

6. Sammisqaq 12

6.1. Sammisqaq 12 – Aningaasanut inatsit pillugu isumaqatigiissut

Apeqquq 6:

Akitsuutinut assigiinngitsunut isertitassatut missingikkat iluarsissuteqarfigineqarnerat iluari-simaarini ataatsimiititaliap immikkoortup matuma misissornerani oqaatigaa. Tamatumunnga

mianersorpallaamik naatsorsuutiginnineq, taamaalillunilu akitsuutitut suliaasaqarfimmi iluanaarutissatut naatsorsuutigisanik minnaaraluni naliliineq pisuunersoq paasissutissiissutigineqassasoq ataatsimiititaliamit kissaatigineqarpoq-

7. Sammisag oqaasertaliussanut tunngasoq

7.1. Konto pingaarnermut 20.11.56-imut, nutarterinerit sunniutaannut tunngasumut, allannguutissatut siunnersuut nr. 90.

Apeqqu 7:

Konto pingaarnerp normua taaneqartoq missingersuutinik iluarsinermut, allaffissorneq, tunngammat ataatsimiititaliamit oqaatigineqassaaq. Tamatuma peqatigisaanik ataatsimiititaliamit oqaatigineqassaaq taama taaguutilimmik konto pingaarneqarmat 20.11.51-imik aammalu tassunga oqaasertaliussaqaangimmat. Tamatumunnga suna pissutaava?

Apeqqu 8:

Oqaasertaliussamat siuliani taaneqartumut nassuiaatini immikkoortoq ima oqaasertaqarpoq: "Tulleriarinernut tamakkununga tunngavissaqarnissami tunngavissaq assigiissoq nutartigarlu atorneqassaaq, taannalu ingerlaavartumik nutarterneqartassaaq." Ilaatigut Naalakkersuisut allakkiaat "Inissianut aaqqissuusseqqinnissamat aallaaviusussaq" ukioq manna 10. augustimeersoq innersuussutigineqarpoq. Tamatuma erseqqinnerusumik itisilernerqarnissaa ataatsimiititaliamit kissaatigineqarpoq.

7.1. Konto pingaarnermut 70.01.07-imut, Sanaartornermi Oqartussanut tunngasumut, allannguutissatut siunnersuut nr. 99.

Apeqqu 9:

Konto pingaarnermut 70.01.07-imut, Sanaartornermi Oqartussanut tunngasumut, oqaasertaliussaq Nr. 3 ilanngunneqassasoq kissaatigineqarpoq, tassani 25 % tikillugu atuinerussutinik atuinikinnerussutinilluunniit nuussinissamat Naalakkersuisut piginnaatinneqarlutik. Soq taama annertutigisumik procentiliisoqarnersoq nassuiarneqassasoq ataatsimiititaliamit kissaatigineqarpoq.

Ataatsimiititaliap isumaliutissiisummik suliaqarnera eqqarsaatigalugu allakkanut ukununga akissut Aningaasaqarnermut Akileraartarnermullu Ataatsimiititaliamit kingusinnerpaamik arfininngornermi ulloq 19. november 2022-mi kalaallisut danskisullu tiguneqareersusanngorlugu nassuteqquneqarpoq kiisalu qarasaasiakkut ukununga nassuteqquneqarluni saam@ina.alla.gl. kiisalu JOVAG@ina.alla.gl.

Inussiarnersumik inuulluaqqusillunga



Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua